

LEKSYON 1

UNSAON PAGTUON NIINING LIBROHA

Kining kursoha nga alang sa imong Biblia gisulat nga pinasahi. Among naseguro nga madali nimo kining masabtan ug malingaw ikaw sa iyang 7 ka mga leksyon. Basaha lamang ang dapit sa kasayuran ug padayon ngadto sa pangutana. Isulat ang imong tubag sa dapit nga gitagana alang kanimo. Ayaw kalimot sa pagsulat usab sa imong tubag sa linain nga papel nga gisalup-it diha sa matag leksyon. Sa dihang matapus na nimo pagtuon ang unang bahin sa matag pahina, padayona pagbasa ang nahibilin nga katunga diha sa ubos.

Matag leksyon puno sa mga bililhong mga pahayag mahitungod sa imong Biblia. Himoa ang leksyon nga maoy imong magtutudlo. Diha sa kinuadro nga mga hawan, makita mo ang mga pinasahi nga mga kasayuran mahitungod sa "Imong Biblia". Usahay pangutan-on ikaw aron sa pagsulay sa imong nahibaloan ug pagtabang kanimo sa paghinumdum sa tubag. Kon nagduhaduha ka sa husto nga tubag, pagahin ug panahon sa pagbasa pag-usab sa leksyon sa ICI. Usahay usab, sugoon ka sa pagpili ug usa sa daghang mga tubag sa talay, o sa pagtapos ba hinoon sa usa ka pahayag. Kini mga gagmay lamang nga paagi sa ICI sa paghagit kanimo aron pagpabilin sa imong hunahuna nga maabtikon ug sa pagpahinumdom kanimo sa hustong tubag.



**Kasayuran 1**

Kon dili ka maka-seguro sa hustong tubag, balika kini pagbasa. Usahay sugoon ka sa pagpili sa usa sa mga daghang tubag o papilion ka ug mga pulong sa paghingpit sa usa ka pahayag. Usa lamang kini sa mga gagmay nga paagi sa pagpaabtik sa imong hunahuna ug sa pagtabang kanimo sa paghinumdum sa hustong tubag.

Unang Pangutana

Kon dunay daghang mga tubag o paagi sa pagdugang ug mga pulong, unsa may imong buhaton?

- a) Dawaton ang tanan ingon nga hustong tubag
- b) Pili-on ang hustong tubag sa pangutana o mga pulong aron makompleto ang gisulti

Tubag 1

Kasayuran 2

Ang mga pangutana may kalabutan sa imong nabasa sa mga kuadro sa kasayuran. Kon wala ka masayud sa tubag niini, basaha pag-usab ang kasayuran ug unya sulayi na usab pagtubag ang pangutana.

Ika-2 nga Pangutana

Kon dili mo matubag ang pangutana, unsa may imong buhaton?

- a) Pangitaon mo ang hustong tubag.
- b) Isulat ang imong kaugalingong mga hunahuna.
- k) Basahon pag-usab ang kuadro sa kasaysayan ug sulayan sa usab pagtubag.
- d) Managhap o laktawan na lang.

Tubag 2

*Unsaon Pagtuon Niining Libroha***Kasayuran 3**

Isulat diha sa kuaderno ang numero sa pangutana ug ang letra diin nahimutang ang tubag nga imong napili. Pananglitan isulat mo ang 2-k ingon nga tubag sa Ika-2 nga Pangutana.

Ika-3 nga Pangutana

Unsa may isulat mo diha sa kuaderno kon mopili ka na sa tubag?

- Ang tanang mga pulong sa tubag
- Ang numero sa pangutana ug ang letra sa tubag nga imong napili
- Ang imong kaugalingong hunahuna mahitungod niini

Tubag 3

Kasayuran 4

Human mo masulat ang imong tubag, paklia ang sunod pahina ug itandi kini sa hustong tubag. Markahi ug X ang imong mga tubag nga nasayup aron masayon mopaghinumdom ang imong nasaypan.

Ika-4 nga Pangutana

Human mo masulat ang numero ug ang letra sa imong tubag, imong

- banabanaon lamang nga husto na ang imong tubag.
- tanawon ang hustong tubag sa sunod pahina, itandi sa imong tubag ug markahan ug X ang sayup nga tubag.

Tubag 4

**Kasayuran 5**

Sayon ra kining paagiha sa pagtoon. Ang mga estudyante malipay nga magatoon ug dali rang makat on kay sa ubang paagi.

Ika-5 nga Pangutana

Kining bag-ong paagi sa hinan-ay nga pagtoon

- a) sama sa usa ka dula ug ang estudyante dili makakat-on ug daghan.
- b) sama sa usa ka makalingaw nga dula ug ang mga estudyante makakat-on ug dali kay sa ubang mga paagi.
- k) iisod kaayo ug makapulo

Tubag 5

Kasayuran 6

Kon maanad ka na niining paagiha, makaplagaan mo nga sayun ra ang mga leksyon. Kon lisod pa gihapon kini alang nimo, patabang sa usa mo ka higala. Patabang usab sa Ginoo.

Ika-6 nga Buluhaton

Kon labaw sa tulo ang mga sayup mong tubag, basaha pag-usab ang unang leksyon sa dili ka pa moadto sa sunod. Sa mosunod nga mga leksyon, seguroha gayud nga matubag mo ang tanang mga pangutana ug mabuhat mo ang tanang mga buluhaton. Karon sulati ang unang bahin sa imong "Rekord sa Estudyante"



MGA HUSTONG TUBAG SA LEKSYON 1

Unang Tubag

b) Pilon ang hustong tubag sa pangutana o mga pulong aron makompleto ang gisulti

Ika-2 nga Tubag

k) Basahon pag-usab ang kuadro sa kasayuran ug sulayan na usab pagtubag.

Ika-3 nga Tubag

b) Ang numero sa pangutana ug ang letra sa tubag nga imong napili.

Ika-4 nga Tubag

b) tan-awon ang hustong tubag sa sunod pahina, itandi sa imong tubag ug markahan ug X ang sayup nga tubag.

Ika-5 nga Tubag

b) sama sa usa ka makalingaw nga du-la ug ang mga estudyante makakat-on ug dali kay sa ubang mga paagi.

LEKSYON 2

MGA KAAYOHAN SA PAGTUON SA BIBLIA